

mus, sine fatigazione laudabimus. Sed et ad hæc quis idoneus? Sine dubio qui fidelis invenietur super pauca quæ accepit militiæ suæ tempore; id est, super sensus, super actus, et super appetitus suos, quos suscepit regendos, ut in his probetur quam fidelis sit Do-

mino suo (*Matth. xxv, 21*). Sciat ergo servus Christi vas suum possidere in sanctificatione et honore (*I Thess. iv, 4*); et glorificet et portet Deum in corpore suo (*I Cor. vi, 20*): sectetur pacem (*Hebr. xii, 14*). Amen.

ADMONITIO IN SUBSEQUENTEM LIBRUM DE AMICITIA:



Opusculum est Aelredi Rhievallensis in Anglia Abbatis, dialogi forma conscriptum, et tres in libros ab ipso digestum; quod quidem inter alia ejus opera prelo edita sincerum exhibetur et integrum, hic vero in epitomen contractum est ab homine otioso, qui non modo stilum auctoris ac methodum non servavit, sed ejus quoque sententias mutavit passim et insigniter vitiavit. Nam ea interdum quæ Aelredus ex interlocutoris persona querendo proponit, mox a se vel explicanda vel resellenda; proferuntur hic absolute, et contra ipsius mentem asseruntur. Sic, exempli causa, in fine capituli primi, quod citata Tullii sententia subjicitur, « Quis huic gentili fortem charitatis affectum benevolentiaeque operum expressit? » apud Aelredum eo pacto positum est, ut interlocutor dicat, « Charitatis vel benevolentiae nomine quid ethnicus ille significare voluit? » non video; » tum Aelredus ipse respondeat, « Forte nomine charitatis, - mentis affectum; benevolentiae vero, operis expressit effectum. » Et in capite quarto illud, « Sed multi abutuntur sapientia, » adeo alienum est ab Aelredi doctrina, ut ipse contra, nullum sapientia abuti, diserte ac præclare probet. Melius Aelredo usus est ipsius prope æqualis Petrus Blesensis, in suo de Amicitia christiana tractatu, qui Cassiodoro adscriptus aliquando fuit. In hunc ille tractatum transtulit ex Aelredi libris non pauca, tacito quidem ipsius nomine, sed tamen luculenta in Prologo admonitione consilium factumque suum professus his verbis: « De diversis, » inquit, scriptoribus quasi flores excipiens, ut mellificarem mihi, plurimum tam veterum, quam modernorum « sententias de amicitia et dilectione Dei ac proximi in unum compendiosæ lectionis involucrum coarctavi. » Neque silentio prætereundum est, locum a Petro Blesensi laudato nominatim Augustino citatum in cap. 8, non subsequenter libri de Amicitia, uti ad oram libri in Petri Blesensis postrema editione male notatur, sed esse libri quarti Confessionum, cap. 8. Contulimus singula verba cum genuinis ac sinceris Aelredi libris, et ubi aliquid mutantum aut depravatum, annotare sategimus.

DE AMICITIA LIBER UNUS.



CAPUT PRIMUM. *Libri hujus scribendi occasio.* Cum essem adhuc puer in scholis, et sociorum meorum me gratia plurimum delectaret, inter mores et vitia quibus illa ætas periclitari solet, tota se mens mea dedit affectui, et devovit amori: ita ut nihil mihi dulcius, nihil jucundius, nihil utilius, quam amari et amare videretur. Itaque inter diversos amores et amicitias fluctuans, rapiebatur animus hue atque illuc; et veræ amicitiae legem ignorans, ejus saepe similitudine fallebatur. Tandem venit mihi in manus liber quem de Amicitia Tullius scripsit, qui statim mihi et sententiaram gravitate utilis, et eloquentiae suavitate dulcis apparebat. Et licet nec ad illud amicitiae genus me videbam idoneum, gratulabar tamen quandam me amicitiae formulam repertisse, ad quam animi mei¹ et affectionum valorem revocare discursus. Cum vero placuit bono Domino meo corrigere devium, elisum erigere, salubri contactu mundare leprosum, relicta spe sæculi, ingressus sum monasterium et statim legendis sacris Literis operam dedi, ubi mellifluum Christi nomen meum sibi totum vindicavit affectum (*a*): ita quod nihil aliud potest mihi sapidum esse vel lucidum.

CAPUT II. *Inter quos sit amicitia vera.* Constat

¹ Apud Aelredum, *amorum meorum*.

(*a*) Huc usque ex prologo Aelredi; deinceps usque ad cap. 5, ex primo ejus libro.

mihi, Tullium veræ amicitiae ignorasse virtutem, cum ejus principium finemque Christum penitus ignoraverit: qui est alpha et omega, principium et finis omnium bonorum. Quid est amicitia? Tullius ait: *Amicitia est rerum humanarum et divinarum cum benevolentia et charitate consensus.* Quis huic gentili fortem charitatis affectum, benevolentiaeque operum expressit? Sed haec vera amicitia non potest esse inter eos qui sine Christo sunt. Ab amore, ut mihi videtur, amicus dicitur: ab amico, amicitia. Est amor quidam animæ rationalis affectus; per quem ipsa aliquid cum desiderio querit et appetit ad fruendum: per quem et fruitur eo cum quadam suavitate interiori, amplectitur et conservat adeptum. Porro amicus quasi amoris vel ipsius animi custos dicitur: quoniam animum meum amoris mutui, vel ipsius animi mei oportet esse custodem, ut omnia ejus secreta fidei silentio servet; quidquid in eo vitiosum viderit, pro viribus caveat et deleat²; cui et gaudeni congadeat, et dolenti condoleat, et omnia sua consentiant, qui³ amici sunt: Amicitia igitur ipsa virtus est, quæ talis dulcedinis ac dilectionis fœdere ipsi amico copulatur, ut unum fiat de pluribus³. Unde ipsam amicitiam

¹ Apud Aelredum, *curet et toleret*.

² Apud Aelredum, *et omnia sua esse sentiat quæ*.

³ Apud Aelredum, *qua ipsi animi copulantur et efficiuntur unum de pluribus*.

non inter fortuita vel caduca, sed inter ipsas virtutes quae aeternae sunt, etiam mundi hujus philosophi collocarunt. Unde Salomon in Proverbiis, *Omni tempore diligit qui amicus est* (Prov. xvii, 17) : manifeste declarans eam aeternam, si vera est. Si autem desierit, nunquam vera fuit. Hoc volo te scire, nunquam fuisse amicum, qui laesit eum quem in amicitiam semel recepit : nec eum verae amicitiae gustasse delicias, qui vel laesus desiit diligere quem semel amavit. Sed si arguatur, si tradatur flammis, si cruce affigatur, omni tempore diligit qui amicus est. Unde dicit Hieronymus : *Amicitia quae desinere potest, nunquam vera fuit, cum amicitiae deberent esse immortales* (Epist. 41, ad Ruffin.). Cum tanta sit in amicitia vera perfectio, non est mirum quod rari fuerint hi, quos veros amicos antiquitas commendavit. « *Vix enim, ut ait Tullius, tria vel quatuor amicorum paria in tot retro saeculis fama concelebrat* » (Lib. de Amic. n.15). « *Magnares est, ait quidam, et etiam ipse conatus magnus est.* » Unde virtuosae mentis est sublimia semper et ardua meditari, ut adipiscatur optata, vel lucidius intelligat et cognoscat optanda : cum non parum credendus sit profecisse, qui virtutis cognitione didicit quam longe sit a virtute. Nonne Pylades et Orestes parati fuerunt pro invicem mori? Sed majori virtutis amore poliebant de quibus legitur : *Multitudinis credentium erat cor unum, et anima una* (Act. iv, 32). Et sancti martyres pro fratribus animas posuerunt, non pepercérunt laboribus, non corporis cruciatibus. Sed mirum non est quod multo plures gremio charitatis quam amicitiae amplexibus recipiendos divina sanxit auctoritas, quae non solum amicos, sed etiam inimicos charitatis lege complectitur (Math. v, 44). Amicos solos illos dicimus, quibus cor nostrum, et quidquid in illo est, committere non formidamus, illis vicissim nobis eadem fidei lege et securitate constriectis. Falso ergo praeclarum nomen amicitiae assumunt, inter quos est convenientia vitiorum : quoniam qui non amat, amicus non est. Non autem amat hominem, qui diligit iniquitatem : et hic odit animam suam, et alterius amare non poterit. Cum vero in tali amicitia, quam vel libido commaculat, vel avaritia sedat, vel incestat luxuria, tanta et talis expeririatur dulcedo; libet conjictere quantum habeat suavitatis illa, que quanto honestior est, tanto est et securior; quanto castior, tanto jucundior; quanto liberior, tanto et felicior.

CAPUT III. *Amicitia triplex : carnalis, mundialis, spiritualis et vera.* Amicitia itaque alia carnalis, alia mundialis, alia spiritualis. Carnalem creat vitiorum consensus, mundalem spes questus accedit: spiritualem inter bonos vitæ, morum, studiorumque similitudo conglutinat. Exordium carnalis amicitiae ab affectione procedit, quæ instar meretricis divaricat pedes suos omni transeunti, sequens aures et oculos suos per varia fornicantes: per quorum aditus usque ad ipsam mentem pulchrorum corporum vel rerum voluptuosarum infertur imago, quibus ad libitum frui, putat esse beatum; sed sine socio, minus existimat esse jucundum. Tunc motu, nutu, verbis, obsequiis animus ab animo captivatur; et ascenditur unus ab altero, et conterminantur² in unum, ut initio sedere miserabili, quidquid sceleris, quidquid sacrilegii est, alter agat et patiatur pro altero: nihilque hac amicitia dulcius arbitrantur, vel judicant justius, idem velle et idem nolle sibi existimantes amicitiae legibus imperari. Hæc amicitia nec deliberatione suscipitur, nec judicio probatur, nec regitur ratione; sed secundum impetum affectionis per diversa raptatur: non modum servans, non honesta procurans, non commoda incommodave prospiciens; sed ad omnia inconsiderate, indiscrete, leviter immoderateque progrediens. Idecirco quibus agitata furiis a semetipsa

consumitur, eadem levitate resolvitur, qua contrahitur. Amicitia mundialis, quæ rerum vel honorum temporalium cupidine parturitur, semper est plena fraudis atque fallacie; nihil in ea certum, nihil constans, nihil securum: semper cum fortuna mutatur, et sequitur marsupium. Unde Salomon dicit : *Est amicus secundum tempus, et non permanebit in tempore tribulationis* (Eccli. vi, 8). Tolle spem quæstus, et statim desinet esse amicus. Unde quidam :

Non est personæ; sed prosperitatis amicus
Quem fortuna tenet dulcis, acerba fugat.

Amicitia spiritualis, quam veram dicimus, non utilitatis cuiusque mundialis intuitu, non qualibet extra nascente causa, sed ex propriæ naturæ dignitate, et humani pectoris sensu desideratur; ita ut fructus ejus præmiumque non sit aliud quam ipsa. Unde Dominus in Evangelio, *Posui vos, inquit, ut eatis, et fructum afferatis* (Joan. xv, 16); id est, ut invicem diligatis. In ipsa namque vera amicitia itur proficiendo, ei fructus capitur perfectionis illius dulcedinem sentiendo. Vera charitas amicitia nuncupatur, ut omne vitium excludatur. Cum benevolentia dicitur, ipse consensus¹ amandi, qui cum quadam dulcedine movetur, interior exprimitur. Ubi talis est amicitia, ibi idem velle, et idem nolle; tanto dulcior, quanto sincerius; tanto suavius, quanto sacraius; ubi sic amantes nihil possunt velle quod dedecat, nihil quod expediat nolle. Hanc amicitiam prudentia dirigit, justitia regit, fortitudo custodit, temperantia moderatur.

CAPUT IV. *Amicitiae origo et progressus.* Amicitiae primum, ut mihi videtur, ipsa natura humanis mentibus impressit affectum, deinde experientia auxit, postremo legis auctoritas ordinavit. Deus enim summe potens, et summe bonus, sibi est ipsi sufficiens, qui bonorum nostrorum non eget; voluit ut omnes creature suas pax componeret, et uniret societas. Ita natura mentibus humanis ab ipso exordio amicitiae et charitatis impressit affectum, quem interiorum morum sensus² amandi quodam gustu suavitatis adauxit. Manifestum est amicitiam naturalem esse sicut virtutem, sicut sapientiam et ceteras virtutes. Sed multi abutuntur sapientia, qui pro ea aliquid inde suscipiunt, vel qui eam vendunt: sic aliqui male utuntur amicitia, qui pro ea aliquid appetunt, vel cum ea.

CAPUT V. *De amicitiae fructibus.* (a) Quid utilitatis habeat, cum in rebus humanis nihil sanctius appetatur, nihil queratur utilius, nihil difficilius inveniatur, nihil experiator dulcior, nihil fructuosius teneatur? Habet enim fructum vitae praesentis et futuræ: ipsa enim omnes virtutes sua condit suavitate, vita sua virtute confudit; adversa temperat, componit prospera: ita ut sine amico inter mortales nihil fere possit esse jucundum; et homo bestiae comparetur, non habens qui secum collætetur in rebus secundis, in tristibus contristetur; cui evaporet, si quid molestum mens conceperit; cui communicet, si quid præter solitum sublime vel livosum³ accesserit. *Væ soli, quia cum ceciderit, non habet sublevantem se* (Eccl. iv, 10). Solus omnino est, qui sine amico est. At quæ felicitas, quæ securitas, quæ jucunditas est, habere cum quo æque audeas loqui, ut tibi; cui confiteri non timeras, si quid deliqueris; cui non erubescas revelare, in spiritualibus si quid profeceris; cui cordis tui omnia secreta committas, et commendes consilia? Quid igitur jueundius, quam ita unire animum⁴ alterius, et unum efficer de duobus, ut nulla jactantia timeatur, nulla formidetur suspicio; nec correptus alter ab altero doleat; nec laudantem alterum adulacionis notet vel arguat? *Amicus*, ait Sapiens,

¹ Aelredus, *sensus*.

² Apud Aelredum, *interior mox sensus*.

³ Aelredus, *luminosum*.

⁴ Apud Aelredum, *animo*.

(a) Ex Aelredi libro secundo.

¹ Aelredus: *Magnarum rerum, ait quidam, etiam*.

² Aelredus, *confiantur*.

medicamentum est vita (Eccli. vi, 16). Non enim validior vel efficacior est vulneribus nostris medicina, quam habere qui omni incommodo occurrat compatiens, omni commodo occurrat congratulans; ut junctissimis humeris, onera sua invicem tolerent, et quod unusquisque propriam levius, quam amici portet¹ injuriam. Amicitia ergo secundas res facit splendidiiores, adversas partiens communicansque reddit leviores. Nam ei philosophis etiam placuit. Non aqua, non sole, non igne pluribus locis utimur, quam amico; in omni actu, in omni studio, in certis, in dubiis, in quolibet eventu, in fortuna qualibet, in secreto, in publico, in omni consultatione, domi forisque, ubique amicitia grata, amicus necessarius, utilis gratia reperitur. Quocirca amici, ait Tullius, et absentes adsunt sibi, et egentes abundant, et imbecilles valent: et, quod difficilis est dictu, mortui vivunt² (*Cicero de Amicitia*, n. 25). Igitur amicitia est divitibus pro eleemosyna³, exsilibus pro patria, pauperibus pro censu, ægrotis pro medicina, mortuis pro vita, sanis pro gratia, imbecillibus pro virtute, robustis pro præmio. Tantus enim amicos honor, memoria, laus, desideriumque prosequitur, ut et eorum vita laudabilis, et mors precliosa judicetur: et quod his omnibus excelsius, quidam gradus est amicitia vicinus perfectioni quæ in Dei dilectione, et cogitatione⁴ consistit, ut homo ex amico hominis Dei efficiatur amicus. In Evangelio: *Jam non dicam vos servos, sed amicos meos* (*Ioun. xv, 15*). In amicitia quippe nihil dishonestum est, nihil si-
cum, nihil simulatum: et quidquid est, id sanctum et voluntarium et verum est; et hoc ipsum charitatis proprium est. In amicitia conjunguntur honestas et suavitatis, veritas et jucunditas, dulcedo et voluntas, affectus⁵ et actus. Quæ omnia a Christo inchoantur, per Christum promoventur, in Christo perficiuntur. Itaque amicus in spiritu Christi adhaerens amico, efficitur cum eo cor unum et anima una: et sic per amoris cantica gradu⁶ ad Christi condescendens amicitiam, unus cum eo spiritus efficitur in osculo uno. *Osculetur me, inquit, osculo oris sui* (*Cant. i, 4*).

CAPUT VI. *Osculum corporale quando adhibendum. Osculum spirituale.* Est osculum corporale, quod impressione sit labiorum, quod non est ostendendum, nisi certis et honestis causis: ut in signum reconciliationis, quando sunt amici qui fuerunt inimici; in signum pacis, sicut communicatur in ecclesia interiore pacem exteriori osculo demonstrant. In signum dilectionis inter sponsum et sponsam fieri permittitur, vel sicut ab amicis post diuturnam absentiam et porrigitur et suscipitur. In signum catholice unitatis, sicut sit cum hospes suscipitur. Sed sicut plerique aqua, igne, ferro, cibo et aere, quæ naturaliter bona sunt, in suæ crudelitatis vel voluptatis satellitum abutuntur; ita perversi et turpes, et hoc bono sua quodam modo flagitia condire nituntur, ipsum osculum tanta turpitudine fecundantes, ut sic osculari nihil sit aliud quam adulterari. Porro osculum spirituale proprium amicorum est, qui sub una lege amicitiae tenentur. Non enim sit oris attactu, sed mentis affectu; non conjunctione labiorum, sed commixtione spirituum, castificante omnia Dei spiritu, et ex sui participatione celestem immittente saporem. Nam ipse hunc sacratissimum inspirat affectum, ut videatur alteri quasi unam animam habere in diversis corporibus. Psalmista: *Ecce, quam bonum et quam jucundum habitare fratres in unum* (*Psal. cxxxii, 1*). Anima sic affecta ad osculum intellectuale suspirat, et cum maximo desiderio clamans, *Osculetur me osculo oris sui*: ut jam terrenis affectibus mitigatis, et omnibus quæ de mundo sunt cogitationibus desideriisque sopitis, in solius

Christi delectetur osculo, et quiescat amplexu, exultans et dicens, *Læva ejus sub capite meo* (*Cant. ii, 6*).

CAPUT VII. *Amicitia quid.* Ego amicitiam nihil aliud credo⁷ (*a*), quam inter duos tantam voluntatum societatem, ut nihil velit unus, quod alter nolit; sed tanta sit inter utrosque in bonis malisque consensio, ut non species, non census, non honor, non quidquam quod alterius sit, alteri denegetur ad fruendum pro voluntate, et ad utendum⁸: ut unusquisque sicut erga se ipsum, sic afficiatur erga proximum, in omni officio et obsequio quod repandat vicem, et fugiantur horores. Inter bonos oriri potest amicitia, inter meliores prolicere, consuminari autem inter perfectos. Quiamdiu enim quemquam in studio malum delectat, et in honesta honestis præponit, et ei voluptas gratior est puritate, temeritas moderatione, adulatio correptione; quomodo ad amicitiam eum fas est aspirare, cum ortus ejus ex virtutis opinione procedit? Fœdus est amor, nec amicitiae nomine dignus, quo turpe aliquid ab amico exigitur: quod necesse est eum facere, qui necdum vitiis aut sopitis, aut depressis, ad quælibet illicita vel illicitur, vel compellitur. Nulla peccati est excusatio, si amici causa peccaveris. Jonadab quoque amicus Ammon salubrius prohibisset incestum, quam quod⁹ potiretur optato, præbuisset consilium (*II Reg. xiii, 5*). Nos bonum hominem dicimus, qui sobrie et juste et pie vivit in hoc sæculo, nihil a quolibet dishonestum petit, nec rogatus præstat: inter tales oriri potest et conservari amicitia.

CAPUT VIII. *Amicitiae sunt et nœvi. An ideo abnenda.* Quidam dicunt cavendam esse amicitiam, rem plenam sollicitudinis atque curarum, nec timoris vacuan, et multis obnoxiam doloribus, nihilque difficultis quam custodire usque ad extremum diem. Sic¹⁰ judicant cum Tullio amare, ut possint odire cum velint: sic placet amare hodie, ut cras oderint: sic amicus esse, ut nulli sit fidus, nunc laudans, nunc vituperans, nunc blandiens, nunc mordens; hodie paratus ad oscula, cras ad opprobria. Amor talium levissima recedit offensa. De his Tullius: «Solem, inquit, e mundo tollere videntur, qui amicitiam de vita tollunt; qua nihil a Deo melius habemus, nihil jucundius» (*De Amicitia*, n. 47). Qualis sapientia est amicitiam detestari, ut sollicitudinem caveas, curis careas, exuaris timore? quando virtus nulla sine sollicitudine, aut prudentia contra errores, vel temperantia contra libidines, vel justitia contra malitiam, aut fortitudo contra ignorantiam pugnat. Quis ergo hominum, maxime adolescentium, sine dolore aut timore tueri pudicitiam, vel lascivientem refrenare potest affectum? Stultus fuit Paulus, qui noluit sine¹¹ cura et sollicitudine vivere, sed intuitu charitatis, quam virtutem maximam credit, insinuabatur cum infirmis, et cum scandalizatis urebatur (*II Cor. xi, 28 et 29*)? Sed et tristitia illi erat, et continuus dolor cordi ejus pro fratribus suis secundum carnem (*Rom. ix, 2*). Ego eos non tam homines quam bestias dixerim, qui sic dicunt esse vivendum, ut nulli consolationi sint, nulli etiam oneri vel dolori: qui nihil delectationis ex alterius bono concipient, nihil amaritudinis sua aliis perversitate infarrant, amare nullum, amari a nullo curantés.

CAPUT IX. *Amicitia puerilis.* Est amicitia puerilis, quam vagus et lascivens creat affectus, sine ratione, sine pondere, sine mensura, sine alicujus commodi vel incommodi consideratione. Hæc ad tempus vehementer afficit et stringit, blandius allicit. Sed affectus sine ratione, motus bestialis est, ad quæque illicita pronus. Et licet amicitiam promoveat¹² affectus, non

¹ Aelredus, abutendum.

² Aelredus, ex.

³ Aelredus quo.

⁴ Aelredus addit, tutius; nec habet, cum Tullio.

⁵ Adde ex Aelredo, aliorum.

⁶ Aelredus, præveniat.

(a) Aliter sentit ac credit Aelredus.

¹ Apud Aelredum, onera sua invicem tollerent, nisi quod unusquisque propriam levius, quam amici portat.

² Apud Aelredum, gloria.

³ Apud Aelredum, cognitione.

⁴ EX Aelredo additæ voces, veritas, et, affectus.

⁵ Aelredus, amoris gradus ad

est sequendus, nisi eum ratio ducat, et honestas temperet, et regat justitia. In pueris magis regnat talis affectus. *Affectus*¹ insidus et instabilis et impuris mixtus semper amoribus, ab iis quos spiritualis amor delectat caveatur; nam venenum est.

CAPUT X. *Amicitia spiritualis. Vera. Amicitiae fons. Amoris origo.* Primordia amicitiae spiritualis primum intentionis habeant puritatem rationis magisterium, temperantiae frenum: et sic suavissimus accedens affectus, ita profecto sentietur dulcis, ut esse nunquam desinat ordinatus. Quid sit vera amicitia, nondum novit, qui aliam vult esse mercedem quam ipsam. Nam cum multas et magnas utilitates pariat amicitia fida bonorum, non illam tamen ab istis, sed ab illa istas procedere non ambigimus. Cum in bonis semper praecedat amicitia, sequatur utilitas: profecto non tam² parta per amicum, quam amici amor ipse delectat. Nihil est negandum amico; omnia pro eo sustinenda sunt: et vita corporis ponenda est pro amico, ut sanxit divina auctoritas (*Joan. xv, 13*).

(a) Fons et origo amicitiae amor est: nam amor sine amicitia esse potest, amicitia sine amore nunquam. Amor vero ex natura, aut ex officio, vel ratione sola, vel solo affectu, nonnunquam ex utroque simul procedit. Ex natura, sicut mater diligit filium. Ex officio, quando ex ratione dati et accepti, quodam speciali affectu conjunguntur. Ex sola ratione, sicut inimicos, non ex spontanea mentis inclinatione, sed ex praecepti necessitate diligimus (*Matth. v, 44*). Ex solo affectu, quando aliquis ob ea sola, quae corporis sunt, verbi gratia, pulchritudinem, fortitudinem, facundiam, sibi quorundam inclinat affectum. Ex ratione simul et affectu, quando is quem ob virtutis meritum ratio suadet amandum, morum suavitatem, et vitae laudandae dulcedine in alterius influit animum: et sic ratio jungitur affectui, ut amor ex ratione castus sit, dulcis ex affectu.

CAPUT XI. *Amicitiae fundamentum.* Fundamentum amicitiae, Dei amor est, ad quem omnia, quae vel amor suggerit vel affectus, omnia quae vel occulte aliquis spiritus, vel palam quislibet suadet amicus, referenda sunt. Diligenter inspiciendum, ut quidquid astruitur, fundamento conveniat; et quidquid illud excedere deprehenditur, ad ejus formam revocandum, et secundum ejus qualitatem omnimodam convertendum non dubites.

CAPUT XII. *Delectus amici.* Nec omnes tamen quos diligimus, in amicitiam sunt recipiendi; quia nec omnes sunt ad hoc idonei. Nam cum amicus cuius spiritui tuum conjungas et applices, et ita misceas; ut unum fieri velis ex duobus, cui te tanquam tibi alteri committas, cui nihil occultes, a quo nihil tineas; primum certe eligendus est qui ad hanc aptus putetur, deinde probandus, et sic denum admittendus. Stabilis enim debet esse amicitia, et quamdam aeternitatis speciem preferre, semper perseverans in affectu; non puerili modo amicos mutare aut laedere. Nemo autem detestabilior, quam qui amicum laeserit; nihilque magis animum torquet, quam vel deserit ab amico vel impugnari³: sed eligendus est, et probandus, et tolerandus. Quatuor sunt gradus, quibus ad amicitiae perfectionem concendiatur: quorum primus est electio; secundus, probatio; tertius, admissio; quartus, rerum divinarum et humanarum cum quadam charitate et benevolentia summa consensio. Sunt vitia quedam, quibus si quis fuerit involutus, non diu leges amicitiae vel jura servabit. Non enim ad amicitiam sunt idonei nimis iracundi, instabiles, suspiciosi, verbosi: quae quatuor in electione amici notanda sunt. Difficile est eum quem saepe iracundiae furor exagit, non aliquando insurgere in amicum. Unde Ecclesiasticus: *Est amicus qui odium et rixam et convicia denudabit* (*Ecli. vi, 9*).

¹ Adde ex Aelredo, *talis ut*.

² Adde hic cum Aelredo, *utilitas*.

³ Alias, *vel se ab amico impugnari*.

(a) Reliqua decerpta sunt ex Aelredi libro tertio.

Noli esse amicus homini iracundo, neque ambules cum viro furioso; ne sumas scandalum animae tuae (*Prov. xxii, 24, 25*). Sunt quidam ex naturali conspersione iracundi, qui tamen hanc ita comprimere et temperare solliciti⁴ sunt passionem, ut in quinque, quibus teste Scriptura amicitia dissolvitur atque corruptitur, nunquam prosilient; quamvis nonnunquam amicum sermone, vel actu, vel zelo nimio offendant. Tales tolerandi sunt: et cum nobis constet de affectu certitudo, si quis fuerit vel sermonis vel actionis excessus, amico indulgendum est; vel certe sine aliquo dolore, jucunde insuper, in quo excesserit commonendus.

CAPUT XIII. *De causis dissolvendae amicitiae.* — Qui conviciatur autem amico, dissolvit amicitiam. Ad amicum si produixerit² gladium, non desperes; si protulerit os triste, non timeas. Est enim reversio ad amicum. Excepto convicio, et improperio, et superbia, et mysterium revelatione, et plaga dolosa; in his omnibus effugiet amicus (*Ecli. xxii, 25-27*). Convicium quippe laedit famam, charitatem extinguit. Tanta est enim hominum malitia, ut quidquid ira instigante ab amico jaculatum fuerit in amicum, quasi a secretorum suorum³ concepio, si non credatur, verum tamen esse clametur: multi enim sicut propriis laudibus, ita in aliorum vituperationibus delectantur. Quid scelestius improperio? quod etiam falsa objectione innocentis faciem miserando rubore perfundit. At superbia quid minus ferendum? quae solum id quod fractae⁴ amicitiae subveniendum fuerat, humilitatis et confessionis excludit remedium, reddens hominem audacem ad injuriam, tumidum ad correptionem. Secretoru velatio, qua nihil est turpius, nihil execrabilius, nihil amoris vel gratiae relinquens inter amicos, sed omnia replens amaritudine, et indignationis, et odii, atque doloris felle cuncta aspergens. Salomon: *Qui denudat arcana amici, perdit fidem*⁵. Quid enim infelius illo qui perdit fidem, et desperatione languescit? Unde denudare amici arcana, desperatio est animae infelicitas (*Id. xxvii, 17, 24*). Plaga dolosa est occulta detractio; plaga serpentis est et aspidis mortifera. Salomon: *Si mordeat serpens in silentio, nihil eo minus habet qui occulte detrahit* (*Ecole. x, 14*). Quemcumque in his vitiis assiduum inveneris, cavendus tibi est ille, nec donec sanetur, eligendus est. Abjuramus convicia, quorum ultius est Deus. Semei David convicieis impetens, a Salomone occisus est (*III Reg. 1, 44-46*). Infelix Nabal carmelus David servitutem et fugam improperans, a Domino percuti meruit et occidi (*I Reg. xxv, 58*). Vitemus et superbiam, et amici gratiam humilitatis beneficio præveniamus⁶. Ob hanc causam populum; et turbes filiorum Ammoni gladius David et ignis consumpsit (*II Reg. x*). Amicorum revealare secreta, sacrilegium est, quo fides amittitur et animae captivatae desperatio importatur: ut patet in Achitophel proditore (*Id. xvi, 23*). Detrahere amico, venenum amicitiae putemus, quod Mariae sororis Moysi corpus lepra foedavit, et ejecta est extra castra sex diebus (*Num. xii*).

CAPUT XIV. *Qui minus idonei ad amicitiam.* Cavendi sunt etiam instabiles et suspiciosi; quia cum fructus amicitiae sit securitas, quomodo⁷ te eredis et committis amico, quomodo in ejus amore aliqua poterit esse securitas, qui omni circumfertur vento, omni acquiescit consilio, cujus affectus molli luto comparatus, diversas et contrarias tota die pro arbitrio imprimentis suscipit et format imagines? Quid magis competit amicitiae, quam pax et tranquillitas cordis, cujus semper expers est suspiciosus? Nunquam enim requiescit. Semper eum curiositas comitatur, quae continuos stimulos acuens, inquietudinis

¹ Alias, *soliti*.

² Aelredus, *etiamsi produixerit*.

³ Supple ex Aelredo, *prolatum*.

⁴ Aelredus, *quo tactæ*.

⁵ Addenda hic et mutanda quedam ex Aelredo.

⁶ Alias, *repetamus*.

⁷ Alias, *qua*.

et perturbationis materias subministrat. Si viderit amicum secretius loquentem cura aliquo, proditionem putabit. Si se benevolum alteri præbuerit vel jucundum, ille se minus diligi proclamabit. Si eum corripiuerit, odium interpretabitur. Sed nec verbosum arbitror eligendum; quia vir linguosus non justificabitur. Salomon: *Vides hominem promptum ad loquendum; magis illo spem habet stultus* (*Prov. xxix, 20*).

CAPUT XV. *Qui idonei. Amicitia dissuenda, non rumpenda.* Hic ergo tibi eligendus est in amicum, quem non iracundiae furor inquietet, non instabilitas dividat, non conterat suspicio, non verbositas a debita gravitate dissolvat. Præcipue utile est ut eum eligas, qui tuis conveniat moribus, tuae congruat qualitat. Nam inter dispares mores firma non potest esse amicitia (*a*): et ideo sibi convenire debet utriusque gratia. Multi sunt qui his passionibus moventur, sed superiores inveniuntur: quia iracundiam patientia comprimunt, levitatem servata gravitate cohibent, suspiciones dilectionis contemplatione compellunt. Quos in amicitiam quasi extractos¹ assumendos dixerim, qui virtutis virtute vincentes, tanto securius possidentur, quanto fortius etiam tentantibus vitiosis resistere consuerunt. Cavendum est in ipsa electione vel dilectione, ne nimis cito diligamus, maxime indignos. Digni sunt amicitia, quibus inest causa cur diligentur.

Sed in his qui probati dignique putantur, erumpunt saepe virtua, tam in ipsos amicos, quam in alienos; quorum cum ad amicos redundat infamia, talibus est adhibenda diligentia, ut sanentur. Et si impossibile est, non statim rumpenda est amicitia, sed dissuenda: ut ait quidam, « Dissuenda sunt amicitiae, non rumpenda omnino » (*Cicero de Amicitia, n. 76*). Amicitia æterna est: unde, *Omni tempore diligit, qui amicus est*, (*Prov. xvii, 17*). Si te læserit ille quem diligis, tu tamen dilige. Si talis fuerit ut amicitia retrahatur, nonquam tamen subtrahatur dilectio. Consule quantum potes saluti,² prospice famæ: nec unquam amicitiae ejus prodas secreta, quamvis ipse tua prædiderit.

CAPUT XVI. *De læsione eorum qui diligendi sunt.* Quinque illa quæ ante scrisinus, convicium, improarium, superbiam, revelationem secretorum, et occultos morsus detractionum³; his sextum addimus, si eos qui diligendi sunt læserit, et scandali materiam præbuerit, ubi vitiorum ipsorum te tangit infamia. Non enim amor præponderare debet religioni, non fidei, non charitati multorum, nec saluti. Hoc scitote inter perfectos sapienter electos et cætate probatos, quos vera et spiritualis amicitia copulavit, non posse venire dissidium. Cum enim amicitia de duabus fecerit unum, sicut id quod unum est, non potest dividi, sic et amicitia a se non potest separari. Sed virtus in hoc probatur, quod diligit a quo non diligitur; honoret a quo spernitur; benedicit a quo maledicitur; benefacit ei qui sibi malum machinatur.

CAPUT XVII. *Ad amicitiam quatuor requiruntur.* Ad amicitiam quatuor pertinere specialiter videntur: scilicet dilectio et affectio, securitas et jucunditas. Ad dilectionem spectat, cum benevolentia beneficiorum exhibitio. Ad affectionem, interior quedam procedens delectatio. Ad securitatem, sine timore et suspicione omnium consiliorum et secretorum revelatio. Ad jucunditatem, de omnibus quæ contingunt, sive laeta sint, sive tristia; de omnibus quæ cogitantur, sive nociva sint, sive utilia; de omnibus quæ docentur vel discuntur, quedam dulcis et amica collatio. Ista perdit qui solvit amicitiam.

CAPUT XVIII. *In amico probanda quatuor.* Quatuor probanda sunt in amico: fides, intentio, discretio,

¹ Apud Aelredum, *exercitationes*

² Adde, ejus.

³ Apud Aelredum interlocutor: *Quæ sunt, rogo, illa virtus pro quibus amicitiam paulatim dicas esse solvendam?* Cui Aelredus: *Quinque illa quæ ante descripsimus, maxime autem revelatio secretorum, et occulti morsus, etc.*

(a) Ambros. lib. 5 de off., cap. 21.

patientia. Fides, ut ei te secure committas. Intentio, ut nihil ex amicitia nisi Deum et naturale ejus bonum exspectes. Discretio, ut quid præstandum amico, quid ab eo petendum, in quibus contristandum pro eo, in quibus amico congratulandum, pro quibus eum corripiendum, modum, tempus et locum non ignores. Patientia vero, ne correptus doleat, ne corripientem contemnat vel odiat, ut eum pro amico quælibet adversa sustinere non plegeat.

CAPUT XIX. *Fides amicitiae.* Nihil in amicitia sive præstantius, quæ ipsius nutrix videtur et custos. Ipsa se in omnibus adversis et prosperis, laetis et tristibus, jucundis et amaris præbet æqualem: eodem intuens oculo humilem et sublimem, pauperem et divitem, fortem et debilem. Fidelis propriæ amicus nihil in amico, quod extra ejus animum, intuetur: virtutem in propria sede complectens, cætera omnia quasi extra eum posita, nec multum probans si adsint, nec cum absint requirens. Ipsa tamen fides in prosperis latet, sed eminet in adversis. In necessitate probatur amicus. *Amici divitis multi* (*Prov. xiv, 20*): sed utrum veri amici sint, interveniens adversitas probat. Salomon: *Omnis tempore diligit qui amicus est, et frater in angustiis comprobatur* (*Id. xvii, 17*). Et arguens infidelem, dicit: *Dens putridus, et pes lapsus, qui sperat super infideli in die angustiarum* (*Id. xxv, 19*).

CAPUT XX. *Intentio.* Diximus etiam intentionem esse probandam. Sunt plerique, qui in rebus humanis nihil norunt bonum, nisi quod temporaliter fructuoso sit. Hi amicos sicut boves suos diligunt, ex quibus aliquid boni se sperant capturos: qui profecto germana et spirituali carent amicitia, propter Deum et se expetenda; nec in se ipsis naturale contuentur exemplar, ubi facile deprehenditur vis ejus qualis sit et quanta, secundum formam quam sermo divinus prescripsit, *Diliges, inquit, proximum tuum sicut te ipsum* (*Matth. xxii, 39*). Tunc erit ipse quem diligis alter tu, si tuam in ipsum transfuderis charitatem. « Non enim, ut ait Ambrosius, vectigalis est amicitia, sed plena decoris, plena gratiæ » (*De Offic. lib. 5, cap. 21*). Virtus est, non quæstus: quia pecunia non parturitur, sed gratia; nec licitatione pretiorum, sed concertatione benevolentiae. Non debet esse mercenaria, sed gratuita. Ceterores sunt amicitiae inopum, quam diutum, cum spem lucri sic tollit paupertas, ut augeat charitatem. Divitibus plerique assentatorie gratificantur; erga pauperem nemo simulator est: verum est quidquid defertur pauperi; ejus amicitia invidia caret.

CAPUT XXI. *Discretio.* Quidam perverse et indiscrete tam amicum habere volunt, quales ipsi esse non possunt. Hi sunt qui leves amicorum transgressiones impatienter ferunt, austere corripiunt, et carentes discretione magna negligunt, contra quæque minima se erigunt, confundunt omnia, non locum servantes, ubi; non tempus, quando; non personas, quibus quælibet vel publicare convenient, vel celare. Circa illum quem eligis, probanda est discretio, ne improvidum vel imprudentem tibi sumas, et lites quotidianas et iurias tibi ipse perquiras. Si quis sine discretione fuerit, sicut navis, absque gubernaculo pro impetu suo instabili motu semper feretur.

CAPUT XXII. *Patientia.* *Quid in amico seligendo curandum.* Patientia probanda est, cum necesse erit arguere quem diligis: quod aliquando quasi ex industria durius fieri oportet, ut sic ejus probetur vel exerceatur tolerantia.

Non quandoque in amicis eligendis tædeat esse sollicitum, cum hujus laboris fructus sit vita medicamen, et immortalitatis fundamentum. Cavendus est quidam impetus amoris, qui præcurrat judicium, et probandi adimit potestatem. Est proinde viri prudentis, suscitatum hunc refrenare impetum, ponere modum benevolentiae; paulatim procedere in affectum, donec iam probato se totum det et committat amico. Hæc est magna felicitas, quam exspectamus Deo operante et insidente, inter se et creaturam suam, inter ipsos

gradus et ordines quos elegit, esse tantam amicitiam et charitatem, ut sic quisque diligat alium sicut se ipsum; et sicut unusquisque de propria, sic de alterius felicitate laetetur; et ita singulorum beatitudo, sit omnium, et omnium beatitudinum universitas singulorum. Ibi nulla cogitationum occultatio, nulla affectionum dissimulatio. Haec est vera amicitia, quae hic inchoatur, ibi perficitur; quae hic est paucorum, ibi omnium, ubi omnes boni. Hic est necessaria probatio, ubi est sapientium et stultorum commixtio.

CAPUT XXIII. Non pariter admittendi omnes. Plerosque omni affectu amplectimur, quos tamen ad amicitiae secreta non admittimus, nec ad consiliorum revelationem. In Evangelio Christus de discipulis suis, quos de servis amicos fecit, ait: *Jam non dicam vos servos, sed amicos* (*Joan. xv, 15*). Ambrosius¹: *Dedit formiam amicitiae quam sequamur, ut amici faciamus voluntatem, et aperiamus secreta nostra illi quaecumque in pectore habemus, et illius arcana non ignoremus* (*De Offic. lib. 3, cap. 21*). Nihil enim occultat amicus: si verus est, effundit animum suum, sicut effundebat mysteria Patri sui Dominus noster Jesus Christus.

CAPUT XXIV. De cultu amicitiae. Quemadmodum amicitia sit colenda, videamus. Firmamentum ergo stabilitatis et constantiae in amicitia est fides: nihil enim est stabile quod insidum est. Non fidum potest esse multiplex ingenium et tortuosum: neque qui non eisdem rebus moventur, nec eisdem consentiant, stabilis esse possunt amicitiae aut sidei. Prae omnibus cavenda est suspicio, quae est amicitiae venenum. Non unquam de amico mala sentiamus, nec mala dicensi credamus. Accedat hinc in sermone jucunditas, hilaritas in vultu, suavitas in moribus, in oculorum etiam nutu serenitas. Tristitia namque et severior facies habet quamdam honestam gravitatem: sed amicitia quasi remissior aliquando debet esse, et liberior, et dulcior, ad comitatem facilitatemque sine levitate et dissolutione proclivior. Est praeterea jus amicitiae, parem esse inferiori superiorem. Sæpe quidam inferioris gradus et ordinis, dignitatis et scientiae, ab excellenteribus assumuntur in amicitiam; ita ut sublimis descendat, humilis ascendat, dives egeat, pauper ditescat, et ita unusquisque alteri suam conditio nem coniunctet, ut fiat æqualitas. Unde qui multum habuit, non abundavit; et qui modicum, non minoravit (*II Cor. viii, 15*). Nunquam tuo te præferas amico: sed si forte in iis quæ diximus superior inveniris, tunc te magis amico submitte. Non cuncteris præstare confidentiam, extollere verecundum, et tanto plus ei conferre honoris quanto minus conferendum conditio vel paupertas præscribit. Jonathas enim fœdus init eum David, et servulum in amicitiam adæquans domino, fugatum a patre, sic adjudicatum morti, nec destinatum, sibi prætulit, se humilians, et illum exaltans: *Tu, inquit, eris rex, et ego ero secundus post te* (*I Reg. xxiii, 17*). Si non ut dominum tibi videtur præferre² eum quem diligis, vel parem facere eum tibi non negligas. Non enim amicitia recte colitur, a quibus æqualitas non servatur. Defer amico ut æquali, nec te pudeat ut prævenias eum officio (*a*). Amicitia enim nescit superbiam. Fidelis quippe amicus medicamentum est vita.

CAPUT XXV. Amicitiae lex in petendis et dandis. Haec est igitur lex in amicitia, ut ab amicis honesta petamus, et pro eis honesta faciamus, nec exspectemus ut rogenur: cunctatio semper absit, studium semper adsit. Perde, inquit Salomon, pecuniam propter amicum (*Ecli. xxix, 15*). Si enim pecunia perdenda est propter amicum, multo magis amici utilitatibus vel necessitatibus conferenda. Sic igitur des amico, ut non impróperes, non mercedem exspecies, non frontem obducas, non vultum avertas, non dépo-

¹ Apud Aelredum: *De his verbis, ut sanctus ait Ambrosius, dedit, etc.*

² Legendum: *Si durum tibi videtur ut dominum præferre.*

(a) Vid. Ambros. lib. 3 de offic., cap. 21.

nas oculos; sed serena facie, hilari vultu, sermone jucundo intercede verba petentis: occurre benevolentia, ut non rogatus videaris præstare quod petitur. Ingenuus animus nihil magis erubescendum aestimat, quam rogare. Cum igitur tibi cum amico tuo esse debet cor unum et anima una, injuriosum est, si non sit et pecunia una. Sic se sibi suaque impendant, ut qui dat, servet hilaritatem; qui accipit, non perdat securitatem.

CAPUT XXVI. Quid sibi impendere debant amici. Sunt in amicitia aliqua in quibus sibi adesse possunt amici. Primum ut solliciti sint pro invicem, orent pro invicem, erubescant alter pro altero, alter gaudeat, pro altero, alterius lapsum ut suum doleat. (*a*) [Suo dilecto suus ille qui diligitur. Inter variabiles fortunæ casus et in varietate mutabilium, nihil utique a sapientibus potius, benignius, suavius ac honestius aestimatur, quam veram amicitiam invenire. Quod tenere diligimus, id videndi desiderio aestuamus. Ea namque est vis amoris, ut oculus mentis offerat, quod ardenter mens desiderat. Occurrunt enim notæ tuæ; verba tua melle condita. Occurrit felicium noctium jucunditas, quæ me mihi surantur, et studio, et labori, In media namque lectione te somnio, in somnis amplexor te, in amplexibus te amitto, et te et somnium sua fallacia discedente. Medere ergo desideriis, medere absentia; diligentem te diligere, sitque remedium id nostri furoris, ut sciant qui te diligunt me amare. Minus enim amor habet amoris, ubi se sentit qui diligit non amari. Amicorum enim est, invicem sua negotia agnoscer, et suis opportunitatibus mutuam vicissitudinem impendere. Non est amicus, qui amico non subvenit; nec etiam bonus socius, qui socii adversum párum lugeat, alterius profectum non suum aestimet.] Quibus modis impendi¹ potest, erigat pusillanimem, suscipiat infirmum, consoletur tristem, iratum sustineat. Sic oculos vereatū amici, ut nihil quod inbonescum sit agere, nihil quod dedebeat loqui præsumat. Nam quidquid ipse deliquerit, in amicum redundat.

CAPUT XXVII. Correptio amici. Quidquid suadendum est, ab amico facilis recipitur, et facilis retinetur: cuius magna debet esse in suadendo auctoritas, cum nec fides ejus dubia, nec adulatio sit suspecta. Non solum arguendi² sunt amici; sed si opus fuerit, objurgandi. Objurgandus est amicus, si veritatem aspernatur, et obsequiis atque blanditiis in crimen appellatur. Sed monitio acerbitate, objurgatio contumelia careat. Ambrosius: « Si quid vitii in amico deprehenderis, corripe occulte; si te non audierit, corripe palam » (*De Off. lib. 3, cap. 21*). Sunt enim bonæ correptiones, et plerumque meliores quam tacita amicitia: et si laedi se putet amicus, tu tamen corripe. Tolerabiliora enim sunt amici vulnera, quam adulantium oscula (*Prov. xxvii, 6*). Debet amicus amico compati, et condescendere, vitium ejus suum putare, corripere humiliter, compatienter. Corripiat eum vultus tristior, et sermo dejectior. Intercipient verba lacrymæ, ut non solum videat, sed et sentiat correptionem ex amore, et non ex rancore procedere. Amicus amico se ita conformet, ut ejus congruat³ qualitati: et cui in exteriori adversitate debet adesse, multo magis spiritui occurrere. Moneri et monere non repugnat (*b*), non adulatorie, non simulatorie, sed vere. Nam simulator ore decipit amicum suum (*Id. ii, 9*).

CAPUT XXVIII. Epilogus. Præstemus amico quidquid amoris est, quidquid gratiae, quidquid dulcedinis, quidquid charitatis. Subtiles honores⁴ et onera illis quos præscripsérunt ratio, imponamus: scientes quia nunquam vere diligit, cui amicus ipse non suffi-

¹ Abundat verbum, impendi, nec est in Aelredo.

² Aelr., monendi.

³ Aelr., congruit.

⁴ Aelr., futilis.

(a) Additamentum collectoris.

(b) Locus corruptus.

cit, nisi haec vilia et contemptibilia abjecerit¹. Caudum est ne tenerior affectus majores utilitates impeditat, dum eos quos ampliori charitate complectimur, si magna spes fructus uberioris eluet, nec absentare, volumus, nec onerarē. Hæc est enim amicitia ordinata, ut ratio regat affectum, nec tam quid illorum suavitatis, quam quid multorum petat utilitas, attendamus. Qui semetipsum non amat, alium amare non potest. Se autem non diligit, qui turpe aliquid vel inhonestum, vel a se exigit, vel sibi impertit. Primum ergo est, ut semetipsum quisque castificet, nihil sibi metit indulgens quod indecens sit, nihil subtrahens quod utile sit. Sed quia hic amor multos diligit², ex ipsis eligat quem ad amicitiae secreta lege familiari admittat, in quem copiose suum infundat affectum, denudans pectus suum usque ad inspectionem viscerum, medullarum, cogitatum et intentionum cordis. Non eligatur secundum affectionis, lasciviam, sed secundum perspicaciam rationis similitudinem morum, et contemplationem virtutum. Sic se impendat amico, ut levitas omnis absit, jucunditas adsit, nec ordinata desint benevolentiae et charitatis obsequia vel officia. Probetur fides ejus, honestas et patientia. Accedat amicorum consiliorum communio, assiduitas

¹ Aelredus, *adjecterit*.

² Alias, *colligit*.

parium studiorum, et quedam conformatio vultuum. Ita electus et probatus nihil velit quod dedebeat, vel petere ab amico, vel praestare rogatus. Amicitiam virtutem putare¹, non quæstum; adulationem fugere, detestari assentationem; ² liber in discretione, patiens in correptione, firmus et stabilis in dilectione; utile tunc dolere pro invicem, laborare, onera sua portare, pro altero semetipsum negligere, alterius voluntatem suæ præferre, illius necessitatibus magis quam suæ occurrere, adversis semetipsum opponere et exponere; dulce³ ad invicem conserre, studia sua mutuo patescere. Accedit pro invicem oratio, quæ in amici memoria tanto efficacius, quanto affectuosius admittitur, profluentibus lacrymis, quas vel timor excutit, vel affectus elicit vel dolor educit. Ita pro amico orans Christum, ipsum desideranter et diligenter intendit: cum subito transiens affectus in affectum, et ipsius Christi dulcedine tangens, incipit gustare quam dulcis est, et sentire quam suavis. Ita a sancto illo amore, quo amplectitur amicum, ad illum consendens quo amplectitur Christum, spiritualem amicitiae fructum capit.

¹ Leg., *cum constiterit amicitiam eum virtutem putare*.

² Adde, *inventusque*.

³ Aelr., *quam dulce habent*.

ADMONITIO IN LIBRUM DE SUBSTANTIA DILECTIONIS.



Constat iste libellus opusculis in unum confusis duobus, quæ in scriptis libris non sic loco junguntur, quin a se invicem suo saltem præfixo cuique titulo separantur. Opusculum primum, cui titulus est, *De Substantia Dilectionis*, desinit ad ultima verba capituli quarti, et Augustini raro admodum, Hugonis autem plerumque nomen in MSS. exemplaribus præfert: et sane exstat inter opera nomine Hugonis vulgata, libro scilicet assutum, qui appellatur, *Institutiones catholicæ in Decalogum*. Alterum opusculum ab illis verbis capituli quinti incipiens, *Vita cordis amor est*, etc., titulum sine auctoris nomine hunc vel similem habet: *Quod vita cordis sit amor*. Hoc etiam cum operibus Hugonis editum est in lib. 4 *Miscellaneorum*, tit. 470 vel 474 eruditionum theologicarum. Nonnulla in hoc libello carpit Bernardus Vindingus in Critico Augustiniano, sed quæ sane haud aliena sunt ab Hugone Victorino. Illud, exempli gratia, quod censura dignum putat, quia dicitur *Deus operatus opera restaurationis humanæ partim per homines, partim per angelos, partim per semetipsum*, aliquoties repetit Hugo in libro 4 de Arca morali, capp. 3, 5, 9, et in lib. 2 de Vanitate mundi, etc. Postremo Trithemius abbas inter Hugonis opera censet librum de Substantia Dilectionis.

DE SUBSTANTIA DILECTIONIS LIBER UNUS.



CAPUT PRIMUM. *Amoris duo rivi, charitas et cupiditas. Inde omne bonum vel malum. Amor motus est unus et multiplex. Quotidianum de dilectione sermonem serimus, ne forte¹ scintillet in cordibus nostris et exardescat ignis flammam faciens, aut totum consumens, aut purgans totum. Ex eo namque totum est, quod bonum est: et totum quod malum est, ex eo est. Unus fons dilectionis intus saliens, duos rivos effundit: alter est amor mundi, cupiditas; alter est amor Dei, charitas. Medium quippe est cor hominis, unde fons amoris erumpit: et cum per appetitum ad exteriora decurrit, cupiditas dicitur; cum vero desiderium suum ad interiora dirigit, charitas nominatur. Ergo duo sunt rivi, qui de fonte dilectionis emanant, cu-*

¹ Apud Hug. additur, *non animadvententibus nobis*.

piditas et charitas: et omnium malorum radix cupiditas, et omnium bonorum radix charitas. Ex eo igitur totum est, quod bonum est; et totum quod malum est, ex eo est. Quidquid ergo illud est, magna est quod in nobis est; et ex eo totum est, quod ex nobis est²: hoc autem est amor. Quid est amor, et quantum est amor, aut unde est amor? Et sermo Dei de amore loquitur. Numquid hoc negotium non potius illorum est, qui pudicitiam prostituere consueverunt? Ecce quam multi qui ejus ministeria³ volentes suscipiunt: et quam pauci qui verba ejus in medium proferre non erubescunt! Quid ergo nos facimus? Forsttan multa improbitate frontem fractam habemus, qui

¹ Apud Hug., *quod inest nobis*.

² Ms. Victorinus, et Hugo, *mysteria*.